

Efesios

Mamabuinore coyuiyebu Pablo bácu ùi toivaicõjeiye báquede paperayocare Éfeso ãmicuriiमारocavũ Jesúre ju aipõevare. Pablo bácu judfovacacu bácvacari, Jesús ùi yávaiye méne beorí coyuiõjeimũ marejaquemavũ, coyucũyũ ùi yávaiye méne judfova ãnevũre, judfova ne ju abe boje ùi coyuiyede. Lucas bácu coyurejaquemavũ Pablo bácu borore Hch 7:57-8:1, 9:1-31, 13:1-28:31, aru Éfeso ãmicuriiमारocavũ ne borore Hch 18:19-20:1, 20:17-38. Javede Pablo bácuve toivacaiõpecu bácuve toivaicõjenejaquemavũ pũcayoca ùi paperayocare Tesalónica ãmicuriiमारocavũre, aru pũcayoca ùi paperayocare Corinto ãmicuriiमारocavũre, ùi paperayocare Galacia ãmicurijiborõcavũre, aru ùi paperayocare Roma ãmicuriiमारocavũre máre. Apevũ ne dápiayepe, javede toivaicõjenejaquemavũ ùi paperayocare Filipos ãmicuriiमारocavũre. Toivaicõjenejaquemavũ yõbecuriyoca ùi paperayocare ãniõju bácarõre 60 d.C., ùi cuede ãmeina teivũre jëni jacoiñami Roma ãmicuriiमारoi, cüináyocare Éfeso ãmicuriiमारocavũre, apeyocare Colosas ãmicuriiमारocavũre, aru apeyocare Filemón mácuve. Tíquico bácu nũvarejaquemavũ iyoca yõbecuriyocare cüináuru ùi nũiyede Roma ãmicuriiमारore pu Asia ãmicurijiborõi. Pablo bácu coyurejaquemavũ ùre toivacaiõpecu bácuve aipe ùi toivacaquiye báquede diyocare.

Diyocaque Pablo bácu coyurejaquemavũ Jũmenijicui coreõvayie báquede ùi cuedaquiye jipocamia caivũre aru caiyede máre, epecũyũre caivũ Jesúre ju aipõeva márajivũre, judfova aru judfova ãnevũre, yõpe cüináyajubocavũre aru Jesucristo maje jabocũva. Pablo bácu jáðovarejaquemavũ maje cuede Jesucristoque cüinávupe yõbecue ùi jëvari coyuiyeque: maja yõpe cũramipe aru Cristo yõpe cũravape cũramitõbui (2:20-22); maja yõpe põecu bajupe aru Cristo yõpe maje jipobũpe (4:15-16, 5:23); aru maja yõpe jímarepacore aru Cristo yõpe majemarepacũre (5:27-32). Aru Pablo bácu maucũvaicõjenejaquemavũ Jesúre ju aipõevare abujucũque jëvari coyũyũ yõpe churara ùi curinũmu bácarõcacu bácu ùi cũvaere (6:11-17).

Pablo ùi meaicõjeino Éfesocavũre

(Hch 18.19-21, 19.1)

1 ¹⁻² Yũ, Pablo, meaicõjeivũ mũjare, Éfeso ãmicuriiमारocavũre Jũmenijicui põevare. Yũbu Jesucristoi yávaiye méne beorí coyuiõjeimaracacu. Yũ toivaicõjeivũ apecure iyoca paperayocare mũjare, Jesucristore ju aivũre ðajocabevũva aru curivũre ùque. Majepacu Jũmenijicu, maje jabocu Jesucristomaque, mearo ðacajacurí mũjare bojecũbeda ùi me boje. Aru torojũrĩ cũre ðajacurí mũjare cãrijimevũva.

Cristo ùi mearo ðacaino maje ùmene

(Mr 10.45, 14.24; Lc 24.49; Jn 14.26, 16.13-15; Hch 1.4, 2.33, 9.12-14; 2 Co 1.22; Col 1.14)

³ Jínajarevũ Jũmenijicure mearore, maje jabocu Jesucristoi mearore jímũre, jípacure máre. Ùrecabe mearo ðacayu majare, maje cũe boje Cristoque cüinávupe. Maje ùmene mearo ðacaibi ù caiye méque, ùi jaboteiye boje majare. ⁴ Javede Jũmenijicui cuedaquiye jipocamia jãravũre, beorejaquemavũ majare ùi põeva márajivũva, maje curãjiye boje Cristoque

cūinávure. Majare beorejaquemavū, maje curājīyepē ayū pueno meara baju aru ye āmeno cubevū ūi jāinore.

⁵ Jūmenijicūi ūe boje majare, jipocamia majidejaquemavū epecuyūre majare ūi mārāpe paivū bārājīvure Cristoi đaquiye boje. Ūi urōpe đaiyūcu, “Que đacuyūmu yū”, arī dāpiarejaquemavū Jūmenijicu.

⁶ Jīdevū Jūmenijicūre mearore, ūi urarō mearo đacaiye boje majare. Ūi daroiye bāque boje mamacūre, pare ūi ūmure, urarō mearo đacarejaquemavū majare. ⁷ Jesucristoi jive meīye bāque boje ūi yayīede, bojēdaibi majare, jōđecuyū. Que baru Jūmenijicu ārūmeteibi maje vainī turī āmeina teiyede. Que đaibi Jūmenijicu ūi urarō mearo đacaiye boje. ⁸ Pueno urarō baju mearo đacaibi majare ūi majiēque, maje me coređvarī đarājīyepē ayū. ⁹ Jūmenijicu majide đaibi majare ūi urōre yo jāđovameno mārārōre jipocamia ūbenita jāđovainore caride. Que đaibi majare yōpe ūi urōpe, maje majinajīyepē ayū caiye iye ūi mearo đacaquiye de majare, Cristoi đaiye bāque boje. ¹⁰ Iye ūi đaiyūede đacuyūme Jūmenijicu ānijāravū, ūi beoijāravū baquinói. Cójijovacuyūme caivū ūi cuedaimarare, cavarōcavūre aru joborōcavūre mārē, Cristoi jabotequiyepe ayū caivūre.

¹¹ Jūmenijicu beorejaquemavū űjare judíova Jesúre ju aivūre, epecuyū ūi pōevare Cristoque cūinávure. Jipocamia Jūmenijicu majidejaquemavū nōpe đacuyūre yōpe ūi dāpiarī đaiyūrōpe. Jūmenijicūrecabe űai vaidé đayū caiyede yōpe ūi urōpe. ¹² Que baru caivū űjare, mamarūmūcavū napini coreivūre Cristoi međaquiye de űjare, Jūmenijicu mearore jīcōjeimi űjare ūre, űje mearore jīmū macuyū cainūmua, űje cuede cāreja. Mearore jīye jaūvū űjare Jūmenijicūre, ūi me boje caivū pueno. ¹³ Aru űjare mārē epedejaquemavū Jūmenijicu ū jinare Cristoque cūinávure. Mūje jāpiāye bāquede iye yāvāyede jāvene, Jesucristoi yāvāye mēne, ju arejaquemavū űja diede. Que

baru dinūmure űai Espírītu Santore darorejaquemavū űjare Jūmenijicu yōpe “Đacuyūmu”, ūi aīye bāquepedeca. Ūre darorī, jāđovarejaquemavū űjare ū jinare. ¹⁴ űai Espírītu Santoi cūe boje űjare, majivū maja jāve cūvarājīvure caiye iye mēne Jūmenijicu “Jīcuyūmu” ūi aīye bāquepedeca. Que baru majivū maja Jūmenijicu meara baju đacuyūre majare, caivū ū jina mārājīvure, yōpe ūi urōpe. Que baru jīnajarevū mearore ūre.

Pablo ūi jēniaino Jūmenijicūque ūi majide đaquiyepe ayū Jesúre ju aipōevare

(Mt 22.44; 1 Co 15.27; Col 1.18)

¹⁵⁻¹⁶ Jūmenijicūi mearo đaiye boje caiye iyede, torojuede jīvū yū ūre. Jāpiāivū yū űje borore, ju aivūre maje jabocu Jesúre aru ūrivūre caivū Jūmenijicūi pōevare mārē. Diede ji jāpiainūmū mārārōre pū caride mārē, đajocabecūva jīvū yū torojuede Jūmenijicūre űjare boje. Cainūmua ārūvū űjare ji jēniāye coapa Jūmenijicūque. ¹⁷ Jēniāivū yū maje jabocu Jesucristoi mearore jīmūre, űai majepacu meacu bajure, ūi majide đaquiyepe ayū űjare űje ūmei, űje coređvarājīyepē ayū Jūmenijicūi jāđovāyede űjare jāvene. Que jēniāivū yū, űje coređvarī nūrajīyepē ayū Jūmenijicūre pueno baju me.

¹⁸ Jēniāivū yū Jūmenijicūre, ūi dāpiare đaquiyepe ayū űjare me nurié, űje majinajīyepē ayū ūi mearo đacaquiye de űjare. űjarecabu ūi cutuimara mārācavū, napini corenajivū ūi mearo đacaquiye de űjare. Ūvū yū űja coređvaivūre iye űje napini coreiyede. űjavacari cūvarājaramu ūi urarō mearo đacaquiye de űjare yōpe “Jīcuyūmu” ūi aīye bāquepe caivū ūi pōevare. Ūvū yū űja coređvaivūre iye űje cūvarājīyede. ¹⁹⁻²⁰ űjarecabu cūvarivū ūi parūéde pueno urarō bajure. Iye ūre parūé cūiméque Jūmenijicu cadateibi majare, caivū Jesucristore ju aivūre. Ūvū yū űja coređvaivūre iye űje parūé cūvaede.

Yópe iye Jūmenijicui majié parúéque ũi nacovaiye báquepe Cristore yainore jaruvarí aru yópe iye ũi dobare ðaiye báquepe máre úre ũi meapūravu yebai cavarō mearoi, quédecabu iye ũi majié parúéque. Dieque cadateibi majare Jūmenijicu. ²¹ Aru ñai Cristorecabe jaboteyu caivu jabova pūeno. Caivu cōjeivure, parurivure, purucunarivure, aru jabovare máre pūeno jaboteyube Cristo, cavarōcavure aru joborōcavure máre. Que baru caivu náre me puedaiye javvu úre. Quédecabu caride ijāravui. Aru quédeca baquiyébu mamajāravu, Jūmenijicui ðaquijāravui máre, ijāravu cūiníburu yóboi. ²² Majepacu Jūmenijicu epeibi Cristore ne jabocūva caivure. Caivu pōeyajuboacavu Jesúre ju aivure ijāravui, Jūmenijicu epeibi úre maje jabocūva. ²³ Maje cue boje Cristoque, javbevū úre. Yópe ũi majaque cucu buojaiyere ijāravui, buojaibi ũ. Nopedeca Cristoi cue boje cainore, ijāravure aru cavarō mearore máre, jaboteyube caiyede.

Jūmenijicu ũi meadaino majare ũi mearo ðacaiye bojecubeda
(Ef 6.11-12; Col 1.13, 2.13, 3.6)

2 ¹ Javede majarecabu yaivu bācavure maje ũmei coateimara māvavu maja Jūmenijicure jaruvarí, maje vainí tuiye báque boje aru maje āmeina ðaiyue báque boje máre. ² Dinūmu mārōre maja curivu barejaquémavu āmeina ðaivu yópe ijāravucavu ne cūere āmeina ðaivu. Maja ju aivu barejaquémavu ñai āmecu, abujuvai jabocūre. Úrecabe buoyu ina pōeva Jūmenijicure ju abevure. ³ Javede maja caivu, ina Jūmenijicure ju abevure, curivu barejaquémavu, āmeina ðaivu. Maje āmeina ðaiyūere ðarí, maje baju urōpe ðarí, aru maje ũme dāpiayere máre ðaivu barejaquémavu maja. Que baru majare Jūmenijicu āmeina jári, ñájine ðacuyū barejaquémavu caivu apevu pōevape maje āmeina teiye boje. ⁴ Maja Jūmenijicui ñájine ðarājimara majarōrivūvacarí, pare cōmaje āroje

jáimi majare ũ, ũi urarō baju ue boje majare. ⁵ Que baru ũ jáñu māvūvacarí majare yaivu bācavure paivure maje āmeina teiye boje, apūre ðaibi majare apué mamaeque yópe ũi nacovaiye báquepe Cristore yainore jaruvarí. Nopedeca jáimi majare Cristoque cūināvure. Que baru curivūbu maja apué mamaeque. Jūmenijicui mearo ðacaiye bojecubedecabu meadaiye majare.

⁶ Maje cue boje Cristoque cūināvure, yópe Jūmenijicui nacovaimara māvavure yainore jaruvarí curivūbu maja caride. Aru Jūmenijicu jáimi majare yópe ũi jaboteimarape, ñai abujuvai jabocūi buobe boje majare caride. Jūmenijicu jáimi majare yópe ũi dobare ðaimara māvavure Cristoque cavarō mearoi. ⁷ Nōpe ðaibi, jáðovacuyū caivu pōevare cainūmu pūeno urarō mearo ũi cōmaje āroje jáiyede mearo ðacayure bojecubeda majare, Cristoque curivure cūināvure. ⁸ Jūmenijicui mearo ðacaiye bojecubedecabu ũi meadaiye majare maje āmeina teiyede jaruvarí, maje ju aiyē boje úre. Maja meadāri oabevu maje bajumia. Jūmenijicurecabe meadayu majare. ⁹ Ūbenita meadabebi majare maje mearo ðaiye boje. Maje mearo ðariduiye quíjie bajutamū. Que baru urarō javrōtamū. Ye meadaiye majibevu maje bajumia. Quénora Jūmenijicu meadāibi majare ũi mearo ðacaiye bojecubeque. Que baru pōecu cubebi “¿Meacu bārica yu?” arí buojayū. ¹⁰ Jūmenijicurecabe ñai cuedayū majare. Apué mamaeque cure ðaiyurejaquemavu majare, maje mearo ðarājiyere ayū caivu pōevare cainūmu. Que ðarejaquemavu ũi cutuiye báque boje majare, maje ju arājiyere ayū Cristore. Jipocamia “Ðajarāri na mearo matuiyeda”, arí dāpiarejaquemavu Jūmenijicu maja curājivurā Cristoque cūināvure.

Maje cue cārijimenoque Cristoi ðaiye báque boje

(Mt 21.42; Jn 14.27; 1 Co 3.16-17; Col 1.20, 2.14; 1 P 2.4-5)

¹¹ Muja, judfova āmēvū, dāpiajarā aipe muje cue báquede javede. Muje

põeteiye báquede ijāravui, Jūmenijicui pōeva āmenejaquemavu mūja. Ņūja ūmva judíoiva buraicōjeivū űje cajede, coreóvare đarājivū űje baju Jūmenijicui pōeva, āmeina járejaquemavu mūja buraicōjemevure. “Jūmenijicure coreóvabevū”, aivū barejaquémavu mūjare. Ūbenita iye buraiye ūmvaí bajure pōeva ne đaiyedecabu ne bajumia quénora. ¹²Dinmū mácarōmiareca cūrivū barejaquémavu mūja Cristore cuvbevūva. Jūmenijicui pōeva ūi beoimara mácavu āmenejaquemavu mūja. Que baru cubevū barejaquémavu mūja Jūmenijicui pōevaque. Jūmenijicu “Mearo đacacūyumu yū mūjare”, ūi arī coyūiye báque boje ūi pōevare, “Yurecabu mūje jabocu. Aru mūjarecabu ji jaboteimara”, arī coyurejaquemavu na mácavure. Ūi nópe coyūiye báquede, ye coyūbedejaquemavu mūjare. Ijāravui cūrivū barejaquémavu mūja Jūmenijicure coreóvabevūva. Que baru, “Ye meadaimara āmenajaramu maja”, arī dāpiarejaquemavu mūja. ¹³Ūbenita caride cūrivūbu mūja Cristoque cūinávure. Mūja Jūmenijicui pōevacavu āmenejaquemavu javede. Ūbenita caride cójijovaimaramu űūjaque. Que đaibi mūjare Jūmenijicu, Jesucristoi jive meiyē báque boje ūi yayiede.

¹⁴Jesucristorecabe cure đayū majare cārijimenoque. Javede maucavarivū barejaquémavu maje baju, judíoiva aru judíoiva ānevūque. Maje baju coateivū barejaquémavu maja. Ūbenita Jesucristo ūi yainoque jarūvarejaquemavu majare coatede đaino mácarōre, cure đacūyū majare yópe cūináyajubopeda, judíoivare aru judíoiva ānevūre máre. ¹⁵Cristoi yayiye báque boje, coreóvaivūbu maja buojabenajivūre boropatebevū Jūmenijicui jáinore maje đariduiye boje yópe ūi đaicōjeiyepe ūi coyūiye báquede Moisés bácare. Aru Cristoi űájicaiye báque boje caivūre iye đaicōjeiyepe đabevūre, coreóvaivūbu maja Jūmenijicui űájine đabenajimarare, maje đabe boje yópe ūi đaicōjeiyepe. Que baru ina pūcayajuboa

pōeyajubocavu bācavu Jesúre ju aivūre, cūináyajubo mamayajubo pōeyajubocavure cuedarejaquemavu ū, ne cūrājiyepe ayū ūque cūinávure. Que baru cārijimenoque cūvū maja caride. ¹⁶Ņūja judíoivare aru mūja judíoiva ānevūre máre, Jūmenijicu jáimi majare cūináturura boropatebevūre. Cristoi yayiye báque boje jocūcūjaravena, buojarejaquemavu ina pūcayajuboa pōeyajubocavu ne maucūvae báquede ne baju. Que teniburu yóboi, cójijovaibi majare cūináyajubo pōeyajubocavure, cārijimevūva cure đaibi majare Jūmenijicuque ūi yayiye báque boje jocūcūjaravena.

¹⁷Que baru darejaquemavu, coyūicōjecūyū iye yávaiye méne pōevare cārijimena cure đaiyede Jūmenijicuque. Diede coyūicōjecudaibi mūjare, judíoiva ānevūre, Jūmenijicui pōeva ānevū bācavure. Aru űūjare máre, judíoivare, cainmūva Jūmenijicui pōevare, coyūicōjecudaibi ū iye yávaiye méne. ¹⁸Cristorecabe jēniare đayū caivū majare majepacu Jūmenijicuque. Ūi yayiye báque boje, cure đaibi majare ūque cūinávure. Ņai Espiritu Santo cūinácu cadateibi caivū majare, judíoivare aru judíoiva ānevūre máre, maje jēniarajiyēpe ayū majepacu Jūmenijicuque.

¹⁹Que baru caride mūja, judíoiva ānevū, Jūmenijicui pōeva ānevūre cubevū mūja. Ijāravūcavu Jūmenijicure ju abevūre paivū cubevū mūja caride. Quénora Jūmenijicui pōevatamu mūja. Cavarō mearocavūre paivūtamū mūja. ²⁰Maja Jūmenijicui pōeva ūi cūramipebu. Cūravaque đaiñamipebu diñami cūrami. Ņūja Jesúre ju aivū ne daroimara coyurājivū Jesús ūi yávaiye méne aru Jūmenijicui yávaiyede coyūcaipōeva mamarūmure ju arejacařā űūja Jesucristore. Aru buenī búrejacařā iye ūi yávaiye méne.

Que baru űūjatamu yópe cūrava Jūmenijicui mamarūmū epeivare cūrami cāchinore. Aru mūjatamu yópe apeva cūrava ūi epeivare

ñuje puenora, mñje ju aye boje ére ñujapedeca. Aru Jesucristorecabe yópe cūravape cūramitōbui, paruriva apeva pueno. ²¹Yópe ñai cūramine ñaipōecu caiva cūravare ñi tuoipepe ároi tuoipe jaurōi, nopedeca Cristorecabe epeyu majare ároi majare cue jaurōi. Yópe ñai cūramine ñaipōecu vorī, cójijovarī tuore ñuipepe apeva cūravare buojacuyū diñami ñi ñaiñami cūramine, nopedeca Cristorecabe ére ju are ñure ñaivu tenajipepe ayu Jūmenijicure memecaivure. Yópe cūramine ñaipōecu meadami cūramine ñaipepe pōeva ne Jūmenijicure mearore jínajīñamine, nopedeca Cristorecabe pueno meara baju ñayu ére memecaivure, maje cue boje éque cūinávure. ²²Que baru mñja judíova ámevu máre curivū éque cūinávure, Jūmenijicui cójijovaimaramu caivu apevu Jesucristore ju aipōevaque. Aru ñai Espíritu Santo cubi mñjaque máre. Que teni apevu majare jári, Jūmenijicure pueðarī jínajarama mearore majare boje.

Pablo Jesús ñi bueicōjeimū ñi yávaiye méne judíova ámevure

(1 Co 15.9; Gá 1.12; Col 1.25-27, 3.12-13)

3 ¹Mñja judíova ámevu, mñje Jūmenijicui pōeva teiye boje, jēniávū yu éque mñjare boje. Yu, Pablo, buoimūtu ámeina teivure jēni jacoñami jívui, ji coyūiye boje Jesús ñi yávaiye méne. Jesucristore memecayūbu yu mñja judíova ámevure boje. ²Jāve majidivūbu mñja Jūmenijicu epeyu bácare yure, ji memecaquiyepe ayu ére mñjare boje, ñi mearo ñacaiye bojecubeda. Que teni yure coyure ñaibi mñjare iye ñi mearo ñacaiye bojecubeda. ³Jūmenijicu majide ñaibi yure ñi dápiaiye báquede javeita Cristorā, yo jáðovameno mácarōre jipocamia ũbenita jáðovainore caride. Que baru obebecamuaque toivaicōjeivū mñjare diena.

⁴⁻⁶Yópebu ñi dápiaiye báquepe jipocamia: Mñje jápiaiye boje Jesucristoi yávaiye méne, mñja judíova ámevu

Jūmenijicui meadaimaramu ñuja judíovaque. Ññjaque jacopurājaramu mñja caiye iye Jūmenijicui mearo ñacaiyede, ñi jíquiyede ñi pōevare. Ññjaque cūináyajubo pōeyajubocavūbu mñja. Que baru ññjaque mearo ñacacuyūme mñjare Jūmenijicu yópe ñi aye báquepe. Caiye iye mñjetamu, mñje cue boje Jesucristoque cūinávure. Iye ji toivaicōjeiye báquede jáivu baru coreóvarājaramu mñja yure me majicure Jūmenijicu urōre yo jáðovameno mácarōre jipocamia ũbenita jáðovainore caride. Javede ácu pōecure Jūmenijicu jáðovamenejaquemavu diede, ñi dápiaiī jáðovame máquede. Que baru javede, “Judíova quénvratamu Jūmenijicui meadarājimara”, arī dápiaiīrdurejaquemavu. ũbenita caride ñai Espíritu Santore majide ñaibi Jūmenijicui dápiaiuyōre, ññja Jesús ju aivure ne daroimarare coyurājivure Jesús ñi yávaiye méne aru Jūmenijicui yávaiyede coyucaipōevare, ére memecaivure.

⁷Yurecabu Jūmenijicui beorī epeimū ére memecacuyūva. ũi majide ñaipe bojecubeda yure, bueyūbu yu Jesús ñi yávaiye méne. Majide ñaibi yure ji ũmei ji buequiyepe ayu ñi urarō majiéque.

⁸Yurecabu caivu ina Jūmenijicui pōeva ne cāchinocacupe páyu baju. ũbenita Jūmenijicu urarō mearo ñacaibi yure, bueicōjeñū mñja judíova ámevure iye yávaiye méne, mñje coreóvarājipepe ayu aipe baju meacure ñai Cristore aru aipe urarō mearo cūiménore ñacayure ére ju aivure. ⁹Jūmenijicu ñi dápiaiñore jáðovameno mácarōre coreóvare ñaicōjeimi yure pōevare cūináturura beobecuva. Ñai cuedayū bácu caiye ijāravuquede yópe ñi ñaiyēpe ñaibi ũ ñi cuedarīburu yóbore pu carita. ¹⁰Que ñaibi Jūmenijicu caivu cōjeivure aru parurivure máre, ángelevare aru abujuvare máre, ne coreóvarājipepe ayu caride ũ majicure caiyede aru caiye ñi dápiaiye me matuiyede. Diede coreóvarājarama ne jáiyede Jūmenijicui ñaiyede ũ jinare caivu Jesucristore ju aivure.

¹¹ Que baru Jūmenijicu đarejaquemavu yópe ũi dápíarí đaiyurópe, “Que đacuyutu” ũi aino mácarōpedeca, ijāravure ũi cuedaquíye jipocamia. Maje jabocu Jesucristoi đaiye báque boje, Jūmenijicu đarejaquemavu caiyede ũi urópe. ¹² Maje cūe boje Jesucristoque cūinávure aru maje ju aiye boje úre jidubevuva jēniaivubu Jūmenijicuque. Majidivubu jidué jaubede majare ũi jáinore. ¹³ Que baru parurōreca jēniaivu mujare. Uetubevuva chíomejara mūja Ji nájíyede ji bueíye báque boje mujare. Ji nájíyede mujare boje, mujarecabu Cristoi meadaimara. Jáve urarō mearo cađateino cūvarivubu mūja caride.

**Pablo ũi jēniaino Éfesocavure
Jūmenijicuque**

¹⁴ Mūja, judíova āmevu, mūje Jūmenijicui pōeva teíye boje, majepacu Jūmenijicure nūatutari torojuede jívū yū ũi jáinore. ¹⁵ Majepacu Jūmenijicurecabe cuedayū bācu caivu cavarō mearocavure aru caivu ijāravucavure máre. Caivu náre ne yajuboa coapa epedejaquemavu ũ. Que teni népacure páyū curí, coreóvare đaiibi náre coapa aipe meacu ārojajurocure pōescu pacure. Que baru jēniaivu Jūmenijicuque mujare boje. ¹⁶ Urarō mearo bajutamu Jūmenijicui parué. Que baru jēniaivu yū úque, ũi pueno ju are nure đaquíyepere ayū mujare ũi majiéque yópe ũi parué cūimépe. Nai Espiritu Santorecabe pueno ju are nure đayū mujare ũi majiéque. ¹⁷ Jēniaivu yū Cristo cūcyure mūjaque mūje ũmei. Que đacuyame ũ, mūje ju aiye boje úre. Jēniaivu yū ueque dápíarājívure mūja aru đarājívure caiye mūje đarājíyede, mūje ue boje apevu Jesúre ju aipōeva.

¹⁸ Que baru mūja caivu, apevu Jūmenijicui pōevaque, coreóvaivu buojarājaramu aipe Jūmenijicu urarō meacure. Yópe mearo đacaiyubi ũ jabovare aru jabova āmevure máre. Cainoa joborōacavure mearo đacaiyubi cainumua, Cristoi ue boje pōevare. ¹⁹ Iye Cristoi uede pōevare ye jápiarí eaiivu buojabenamu maja. Ubenita

maja coreóvarí buojabevureca caiye ũi uede, jēniaivu yū mūje urarō coreóvare nurajíyepere ayū. Uí uede coreóvarí tenanurajaramu mūja yópe Jūmenijicu bajure.

²⁰ Mearore jjarāri caivu majepacu Jūmenijicure. Uí majié paruéque urarō mearo đare đacaibi majare, maje úre jēniajuroe pueno aru maje dápíajuroe pueno máre. ²¹ Caivu pōeyajubocavu Jesúre ju aivu ne cūe boje aru Jesucristoi cūe boje máre, mearore jjarāri caivu majepacu Jūmenijicure đajocabevuva cainumua, jáđovarajivu úre meacu bajure. Quédecabu.

**Espiritu Santo ũi cójjovaino
caivu Jesúre ju aipōevare
cūináyajubocavure
(Col 2.19, 3.12-13)**

4 ¹ Caiye iye ji toivaicōjeyede apécure mujare dápíarí caride, parurōreca jēniaivu yū, mūje đarājíyepere ayū yópe đaiye jauépe mujare. Yúbu buoimū āmeina teivure jēni jacoĩnami jívui, ji memecaiye boje Jesucristore. Đajarā mūja yópe Jūmenijicu “Que đajarāri” ũi arí dápíaino mácarōpedeca, ũi cutuíye báquede mujare ũ jina marajíyepere ayū. ² “¿Meara márica apevu pueno?” abejarā mūja. Aru ména meadarí cadatejarā apevure. Napijara apevure. Aru jorojímevuva náque jáđovajara mūje uede náre. ³ Nai Espiritu Santo cārijimenoque cure đaiibi mujare. Cójjovaibi mujare cūináyajubocavure cūináturu mūje ũmei. Que baru đajarā caiyede mūje oainope, meadarājívū iye mūje cūede cūináturu mūje ũmei.

⁴ Cūináyajuborabu maja Jesucristore ju aipōeva. Cūinácurecabe nai Espiritu Santo. Cūinároramū yo maje napini coreino Jūmenijicui mearo đacaquíyede majare, ũi cutuimara mácvure, maje cūvarājíyepere ayū diede. ⁵ Cūinácurecabe maje jabocu Cristo. Cūináenamū iye yávaiye me, maje ju aiye. Cūinácurecabe nai maje jáđovaimū ocoque.

⁶ Cūinácurecabe majepacu Jūmenijicu, maje mearore jímū, caivu Jesúre ju

ai pōeva majepacu. Caivu Jesúre ju ai pōeva maje jabocube ũ. Caivu Jesúre ju ai pōevare memecōjeimi ũre maje ðaiyeque majare coapa. Aru caivu Jesúre ju ai pōeva que cubi ũ.

⁷Majare coapa ðare ðaibi Cristo ũi majide ðaiye bojecubeda. Yópe ũi urópe mearore ðare ðaibi majare coapa. ⁸Cristoi que ðare ðaiyede, yópe arí, Jūmenijicu toivaicōjenejaquemavu javede ũi yávaiyede:

Vaidéjaquemavu ũi mauva mácvare. No yóboi, copaini muri nurejaquemavu ũmui. Que baru na obedivure, ũi buoimarare, nūvarejaquemavu ũi yóboi. Que teni emuriburur yóboi, darorejaquemavu pōevare ũi majide ðaiyede náre, arí toivaicōjenejaquemavu Jūmenijicu.

⁹¿“Copaini muri nurejaquemavu ũmui”, Jūmenijicu yávaiyede coyucaipōescu báciu aino mácarō, aipe ai yurōma no? Yópe ai yurōmu: Cristo ũi muri nūquiye jipocai, javede emeñu mácu ijārvui, corejaquemavu joborō jívui, yaivu bávavu ne curōi. ¹⁰Aru ñai emeñu mácvarecabe muri nūñ cojedeca pu cavarō mearo Jūmenijicu curōita, cūcu cainore caride aru cūcūy cainore cainūma máre. ¹¹Ñai Cristorecabe jíyu ũre ju ai pōevare majide ðaiyede, maje mearo ðaivu buojarājiyepe ayu yópe ũi urópe. Epeibi apévure ũi yávaiye méne beorí coyucōjeimara márajivuva, aru apévure Jūmenijicu yávaiyede coyucaipōeva márajivuva. Epeibi apévure ũi yávaiye méne coyupōeva márajivuva, aru apévure ũre ju aivure ne coreipōeva márajivuva, aru náre bueivu márajivuva máre. ¹²Que ðaibi meadacūy caivu Jūmenijicu pōevare, maje memecaivu buojarājiyepe ayu ũre.

Que teni pueno baju ðare ðaibi caiyajuboa pōeyajubocavu Jesúre ju ai pōevare Jūmenijicu urópe yópe pōescu baju bucuiyepe. Majamu Cristoi bajupe paivu. ¹³Jūmenijicu urópe pueno ðare nurajaramu maja, pu maje

eaiyeta curājivu cūináturu maje ju aiyede Jesucristore, Jūmenijicu mácvare, aru cūináturu maje coreóvayede máre aipe ārojacure ũre. Bucūvape paivu barājáramu maja maje ũmei. Que baru buojarājaramu curivu Cristo bajupedeca. Aru Jūmenijicu ju arí coreóvarājaramu maja ye jaubeda. ¹⁴Que baru juedovape paivu maje cubenajiyep ayu, Cristo jíbi majare ũi méne. Juedova pucaūmea curivubu. Napedeca ina Jesúre ju ai pōeva pucaūmea curivu baru, oatūvayevu ne dápiayede cainūma, ape bueiye ðaiyede jápaivava. Ina bueipōeva borocurivu me majidivubu aipe ju are ðarājivu apévure ne borocueque. Que baru bucūvape paivu baríjarajarevu maje ũmei, jujovaimara āmenajivu yópe juedovape. ¹⁵Ūbenita coyurājarevu Jesús ũi yávaiyede jávene. Maje yópe coyuiyede jádovarajarevu maje uede maje bajumia, aru náre maje coyumarare máre.

Que ðaivu baru, Jūmenijicu urópe ðare nurajaramu maja, maje cue boje Cristoque cūinávure. Maja ũre ju aivu caiyajuboa pōeyajubocavu ũi bajupe paivubu. Aru évacari maje jabocube, majare ðaicōjeñu. ¹⁶Ūi ðaicōjeiye boje, maja caivu ðarí majidivubu yópe majare jauépe ũi uróre. Cristoi bajucarōpebu maja coapa. Pōescu cūvacu baru caiye ũi bajuquede ári die cue jaurói, ðaquiyepe ayu yópe ðaiye jauépe, me cubi ñai pōescu. Quédecabu maje cuede Cristoque. Cristoi bajure bucūvayeppebu, maje ðaiyede ðare nūmuri yópe ũi majide ðaiyepe, aru maje cadateiyede apévure, náre urí.

Apué mamae jauró majare, Jesúre ju ai pōevare

(Ro 1.21-25, 12.5; Col 3.9-10, 13; Stg 1.19-20)

¹⁷Ji cue boje Jesucristoque cūinávure, coyucuijivu mujare paredeca. Dabejarā mja yópe ina Jūmenijicu ju abevu ne ðaiyepe. Iye ne ðaiyepe paiyede dajocajarā mja. Námu ūbenina dápaivu. ¹⁸Que baru

jápiarí coreóvabema na. Iye apué mamaene, Jūmenijicui cūvare daiyede ũ jinare, cūvabema na. Ũi yávaiyede jápiaiyubema. Que baru Jūmenijicure coreóvabema. ¹⁹Ye chíomema ne ámeina daíe boje, ne dápiaino mearo cube boje. Torojurivú ñadama caino ámenore. Ũrarō baju ámenore ñadama dajocaiyubevva. ²⁰Nópe ne daiyedeca mujacapuravú buebedequemavú Jesucristore ju aivú ne daíyepé jauróre. ²¹¿Jáve jápiabedecarārú muja Jesús ũi yávaiye méne? ¿Buebedecarārú muja diede? ²²Que ñaivú baru, dajocajarā aipe ārojæe máquede muje ámeina daíyueque. Ñare nuivú barejaquémavú ámenore muje ámeina daíyue boje. No boje, jujovaimaratamu muja. Que baru pūeno ámenore ñaivú baru aru dajocabevú baru muje javeque daíyebáquede, bíjarājaramu muja coateivupe Jūmenijicure jaruvarí. ²³Muje cūe boje apué mamaeque caride, Jūmenijicure oatuvacōjeara muja, cūvarājivú muje mamaūmene aru muje dápiaino mamarore máre. ²⁴Ñajarā muja yópe ina apué mamaene cūvarivure daíyepé. Jūmenijicui ũi mujare curivure yópe ũi cūpedeca. Que baru cūre ñaibi mujare apué mamaeque aru mamaūmeque máre. Que baru meara májara Jūmenijicui jáinore aru mearo ñajarā apévú pōeva ne jáinore máre, yópe ũi yávaiyede jávene coyuiyepé. ²⁵Que baru borocūbejarā muja caride. Quénora caivú muja coapa borotejarā jávene muje baju. Cūináyajubo pōeyajubope paivubu maja. Cristoque cūinábajupe paivubu. Que baru jáve borotejarā muja. ²⁶Jaraiivú baru, ámeina ñabejarā muja muje jaraiye boje. Quénora vaidé ñajarā muje jaraiyede maumena, dijáravumareca. ²⁷Muje jaraiye boje, jujovacōjemejara ñai abujuvai jabocure, ámenore ñabenajivú muje baju. ²⁸Cūinácu mujacacu ñavacucu baru, dajocajacurí ũi ñavaiyede. Quénora memeicōjeara ũre memeino mearore, ũi bojeñacuyepé aivú ũre jauéde aru ũi cadatequiyepé

aivú ina cōmaje ārojarivure máre. ²⁹Muje yávaiyeque ámeina ñabejarā apévure. Quénora me cadatejarā náre dieque. Muje yávaiyeque pare ju are nure ñajarā náre Jesucristore. Coyujarā me yópe náre jauépe. Que ñarí cadatenajaramu náre, ina jápiaivure mujare. ³⁰Chíore ñabejarā muja ñai Espiritu Santore, Jūmenijicui jicure. Ũrecabe jádovañú mujare Jūmenijicui jinava. Ñai Espiritu Santoi cūe boje majaanque, majidivubu jáve cūinájaravú daquijáravú baquinóre meara baju jaubeda ñacuyure majare yópe Jūmenijicui uróre. ³¹Ñájine ñabejarā pōevare muje yávaiyeque. Jorojimejara náre. Aru jarabejarā náre. Jararí codobobejarā máre. Coyubejarā ámenore caivú ne jápiaiyede apévú borore. Aru ámeina dápiabejarā apévure máre. ³²Quénora cōmaje āroje jári, cadatejarā muje bajumia. Aru arumetejarā apévú ne ámeina daiyede mujare yópe Jūmenijicucavari ũi arumeteiye báquepe muje ámeina teiyede, diede jaruvarí, muje cūe boje Cristoque cūinávupe.

Aipe daíyepé jauró Jūmenijicui mārare
(Col 3.16-17, 4.5)

5 ¹Majamu Jūmenijicui mára pare ũi umara. Que baru me ñarí járajarevú, ñarājivú yópe Jūmenijicui daíyepé. ²Caiye maje daiyede ñarājarevú maje ũe boje Jūmenijicure aru apévure máre. Cristovacari ũcu majare, boarí jaruvacōjenejaquemavú ũi bajure majare boje. Ũi nópe daíyepé báque cojūrejaquemavú Jūmenijicure, yópe cojūépe ũre pōeva ne cūvaequede jíyepé aru ne áimarare boarí juarí jíyepé máre. Yópe iye jíyepé me corajavú ũre mumijūere, nopedeca Cristoí yaiyepé báque majare boje me cojūrejaquemavú Jūmenijicure. Yópe Cristoí daíyepé báquepe uraró baju ũi ũe boje majare, nopedeca uraró ũre nuíyepé javvú majare máre. ³Majamu Jūmenijicui pōeva, ũre memecaivú. Que baru ámeina daíyepé

jaubevu majare. Aru âmeina ðaiyede apevuque mujemarebucava âmevuque ye dápiabejarã muja. Aru muja ãmva nomivaque âmenore ðaiyurĩ dápiabejarã muja. Aru muja nomiva máre ãmvaque âmenore ðaiyurĩ dápiabejarã muja. Aru muje cuae pueno baju cuvaiyurĩ dápiabejarã muja. Caiye diepe paiye muje dápiaru, meamenotamu. ⁴Aru apejĩene máre ðaiye jaubevu mujare. Que baru coyubejarã âmene cuye tede ðaiyede. Aru yávabejarã ârumevupe máre. Yurivupeda yávabejarã âmeina baju yávaiye máre. Meamevu diepe paiye yávaiye. Quénora pueno baju torojuede jíjarã Jümenijicure. ⁵Me majijarã muja iyede jáve: Pöeva ðaivu baru âmenore apevuque némarebucava âmevuque aru pöeva âmeina ðaivu baru ãmva nomivaque aru nomiva ãmvaque, ina pöeva nópe ðaivu curãnumenajarama Jümenijicure aru Cristoque máre. Ye ne jaboteimara âmenajarama na. Aru pöeva urivu baru pueno baju ne cavaede Jümenijicure jaruvarĩ, pëpeimarare mearore jívupe paivubu na. Que baru pöeva nápe paivubu cubenajivu Cristoque cavarõ mearo Jümenijicui curõ. ⁶Jümenijicu jorojĩni jári, ñájine ðacuyume pöevare diepe paiyede ðaivure, ùre ju abevure, ne âmeno ðaiye boje. Que baru ñamene jujovaicõjemejara muja ubeni cæque, “Ye baju âmevu ñuje ðaru âmenore”, ne aiyे. ⁷Ye ðabejarã nápe ina âmenore ðaivupe.

⁸Mujarecabu ñeminoi cuivu bácvupe javede, muje âmenore ðare nuíye báque boje. Ubenita caride, muje ju aiyе boje maje jabocu Jesucristore, miadároi cuivupebu muja caride. Que baru mujare ðaiye javu yópe ina miadárijaravui cuivu ne ðaiyepe. ⁹Que teni meara marajáramu muja Jümenijicui jáinore. Caino mearore ðarãjaramu muja apevu pöeva ne jáiyede. Aru yávaiyede jávene coyurãjaramu muja máre. ¹⁰Me ðarĩ járajarevu, ðarãjivu mearore yópe Jümenijicui urõpe. ¹¹Mujacapuravu

ðabejarã yópe ina pöeva ñeminoi cuivupe. Ina âmenore ðaivubu ñeminocavu. Iye ne ðaiye bojecubetamu. Que baru iye ne âmeina ðaiyede coreóvare ðajarã náre. ¹²Iye âmene ne ðaiye pöeva ne jámene urarõ baju cuyojetamu die. Que baru ye coyuiye jaubevu pöevare diena. ¹³Ubenita ne ðaiyede muje coreóvare ðarĩburu yóboi, majinajarama Jümenijicu âmeina jáñure ne que ðaiyede. ¹⁴Muje coreóvare ðaiyede náre diena yópe ñeminore pëoiyepebu. Que baru pöeva, yópe arĩ, yuriaivubu diepe paiyede ðaivurã:

Mu, Jümenijicure coreóvabecu, cáñupe páyu, coedajacu, coreóvacuy ùre. Nacajajacu yainore jaruvarĩ. Aru Cristo cure ðacuyume mære miadároi, arĩ coyuvubu.

¹⁵Que baru me matuiyeda ðajarã apejĩe muje ðaiyede. Ðabejarã yópe ina coreóvabevu, Jümenijicure ârumevu, ne ðaiyepe. Quénora ðajarã muja yópe ina coreóvaivu, Jümenijicure ârurivu, ne ðaiyepe. ¹⁶Caride ijárvucavu Jümenijicure ju abevu urarõ âmene ðaivubu. Que baru cainmua muje oainope Jümenijicure memecaiye javu mujare. ¹⁷Que baru ðabejarã coreóvabevupe. Quénora me ðarĩ jájara, coreóvarãjivu maje jabocu Cristoi urõre, muje ðarãjiiyepe ayu yópe ùi urõpe. ¹⁸Ucumejara pacotebeburĩ muja. Pacoteivu baru, âmeðarãjaramu muja, muje ðaicõjeme boje muje bajure. Quénora mujacapuravu ðaicõjeara ñai Espiritu Santore ùi majiéque. ¹⁹Muja que ðaivu baru, torojurãjaramu. Que baru coyujarã mujevure iye Salmos âmicæque. Aru mearore jíjarã Jümenijicure yuriainoque, aru ùi Espiritu jino yuriainoque máre. Yurijarã mearore jíyede aru Salmore máre maje jabocu Cristore. Yópe ðaivu mearore jíyeque yuriaivubu muja muje ùmei. ²⁰Que baru caiye ùi vaidé ðaiyede, torojuede jíjarã majepacu Jümenijicure cainmua maje jabocu Jesucristoi paræque, muje cæ boje

éque cūinávure. ²¹ Puedarī jápiajarā mūja mūje bajumia, mūje pueđaiye boje Cristore.

Mearo đaiye jauřō cūramicavūque aru memeiñvūque máre

(Mt 15.4, 19.5; 2 Co 11.2; Col 3.18-25, 4.1; 1 P 3.1, 7; Ap 21.2, 9)

²² Mūja, ũmūcurivū, ju ajarā mūjemarepacure yópe mūje ju aiyere mūje jabocu Cristore. ²³ Nomicucu jaboteyube jímarepacore yópe Cristoi jaboteiyere caivū majare, ũre ju aivūre. Cristorecabe ñai meadayū majare, caivū ũre ju aivūre. Ũvacari maje jabocube, majare đaicōjeñū. Que baru útame maje jipobūre páyū. ²⁴ Aru majamu ũi bajupe paivū. Que baru yópe maje ju aiyere jauépe Cristore cainumua, nopedeca ũmūscure ju aiyere jauvū jímarepacure cainumua.

²⁵ Mūja, nomicurivū, jecujarā mūjemarepacore yópe Cristoi jecúere caivū majare, ũre ju aivūre. Cristo pare ũcu mūjare, boarī jarūvaicōjēnejaquemavū ũi bajure. ²⁶ Que đarejaquemavū maje ámeina teiyede jarūvarī, meadacūyū majare aru coavacūyū majare ũ jinava. Majare, ũre ju aivūre, meadarī joarejaquemavū majare maje ju aiyere báquede aru maje jáđovaiye báquede Jūmenijicure ocoque.

²⁷ Caiye iyede đaiibi, cūvacūyū ũ jinava majare. Yópe pōescu cūvaiyūnepe jímarepaco bacođore meaco bajure, nopedeca Cristo cūvaiyūbi majare. Ico pūbūuocodo bojuyo baju, ye ámeno cubecore, opedeca barājáramu maja, Jesucristore ju aivū máre. Pūeno meara bajure aru ye ámeno cubevūre cūvacūyūme Cristo majare, ũi baju đaiye báque boje. ²⁸ Ina nomicurivūre coreiye jauvū némarepacore, ye jaubequiyere aivū óre, yópe ne coreiyere ne bajuáre náre coapa. Ñai coreyū jímarepacore coreyūbe ũi bajure. ²⁹⁻³⁰ Pōescu cubebi cōenícū ũi bajure. Quénora javateni me cubecube. Aru cūinábajupe paivūbu maja Cristoque. Que baru ũrecabe coreyū majare.

³¹ Jūmenijicu toivaicōjēnejaquemavū ũi yávaiyede, yópe arī: “Que baru caride ácu pōescu jímarepaco bacođo cūvacūyū, ũi būcūvare đajocacūyūme. Aru jímarepaco cūvarī ómaque cūinávūpetamu Jūmenijicūi jáinore”, arī toivaicōjēnejaquemavū Jūmenijicu. ³² Iye yávaiye Jūmenijicūi toivaicōjeiye báque maiyójaevacari majare diede jápiaarī coreóvajurorivūre jávetamu iye. Ji đápiaru, iye yávaiye coreóvare đaiivū majare aipe árojaene Cristoi cuede majaque, ũre ju aivūque.

³³ Ũbenita mūjare máre coyūivū die. Mūja nomicurivū, mūja coapa jecujarā mūjemarepacore. Aru mūja ũmūcurivū, mūja coapa pueđajarā mūjemarepacure.

6 ¹ Mūja, jueđova, ju ajarā me mūjebucūvare ne coyūiyede mūjare, mūje ju aiyere boje Jesucristore. ²⁻³ Nópe đaiye jauvū mūjare. Nopedeca đaicōjēnejaquemavū Jūmenijicu ũi coyūiye báquede Moisés bácore iye caipūcarūguape paiye đaicōjeiye pūeno me bajure. Jūmenijicu ũi coyūiye báquede yo đaicōjeinore, “Yópe mearo đacacūyūtu yū”, arejaquemavū máre: “Mipacure aru mipacore máre urī ju ajarā. Que đaiivū baru, me curājáramu obediūjua ijárvūi”, arī coyūrejaquemavū Jūmenijicu.

⁴ Mūja, nébucūva, jorojīne đabejarā mūjemarare. Quénora buejarā náre aru majicajarā náre aipe đaiye jauřōre, ne torojure đarājīyere aivū Jūmenijicure ne đaiyeque.

⁵ Mūja, memecaivū, ju ajarā me mūje jabova ijárvūcavūre ne coyūiyede mūjare. Mūjamu náre memecaivū. Que baru pueđajarā náre me. Mūjovabevūva memecajarā náre yópe mūje Cristore memecajūrope. ⁶ Cainumua ju ajarā náre me mūje ũmeque. Ju aivū ámejara náre quénora ne jáiyede mūjare, “Mearo đaiivūbu” ne arājīyere aivū mūjare. Yópe Jūmenijicūi urōpe memecajarā mūja, mūje memecaiye boje Cristore. ⁷ Torojurivū memecajarā mūja. Yópe mūje pōevare memecajūrope ánevū. Quénora yópe maje jabocu

Cristore mŷje memecajuroepe đajarā mŷja. ⁸Coreóvajarā me maje jabocu Jesucristovacari bojedacuyure caivu pōevare náre coapa yebacavure aru memecaivure máre, ne mearo đaiye báque boje.

⁹Mŷja, ne jabova, quédeca mŷjare memecaivu ne đaiyepe me, mŷja máre đajarā me. Cainŷmŷa “Bojedabequijivu mŷjare”, abejarā náre. Coreóvajarā mŷja me űnai cavarō mearocacu caivu mŷje jabocure. Mŷjare memecaivure aru mŷjare máre, cūinácŷrabe űnai mŷje jabocu. Ūtame jáñŷ caivu pōevare cūináturu. Que baru caivu náre coapa bojedacuyume me yópe ne đaiye báquepe.

Jesúre ju aipōeva ne maucŷvarō abujuvai jabocure

(Ro 13.12-14; Col 4.2-4; 1 Ts 5.8; He 4.12)

¹⁰Caride bŷojaivu yu iye ji toivaicōjeiyede apesure mŷjare. Parŷre đajarā mŷja mŷje űmei, mŷje cue boje Jesucristoque cūinávure űni parŷé pŷeno ŷrarō bajuque. ¹¹Cainŷmŷa meateivu bájara mŷja, maucŷvarājivu copŷ ina āmenaque ijāravŷi. Yópe Romacacu churara űni doiyepes meatecŷyŷ űni bajure, meatejarā mŷja iye Jŷmenijicui jŷye báquei mŷje űmene űni meadaiyeque. Que teni abujuvai jabocu ye vainí tŷyŷ bŷojabecube mŷjare űni jujovaiyeque. ¹²Pōevare copŷ maucŷvarivŷ āmevŷ maja. Quépora ijāravŷcavŷ abujuvare copŷ maucŷvarivŷbu maja. Ina cōjeivŷ, ina parŷrivŷ, aru ina jabova máre, nárecabu ijāravŷcavure jaboteivŷ. Ijāravŷ āmejāravŷ űnamipe paijāravŷbu, ina abujuva ne jaboteiye boje yore. ¹³Que baru iye Jŷmenijicui jŷye báquei majare, maje meatenajiyepes ayŷ maje űmene, ĩni cŷvajarā mŷja. Diede cŷvarivŷ cainŷmŷa abujuvai jujovaiyurinumŷre náre copŷ maucŷvarivŷ bŷojarājaramu mŷja. Vainí tŷbenajarama mŷjare. Aru maucŷvarĩburu yóboi, cŷrājaramu mŷja ijāravŷi parŷrivŷ mŷje űmei.

¹⁴Que baru cainŷmŷa meateivŷ bájara, maucŷvarājivŷ. Yópe űnai churara űni

bŷoiyepes űni jārĩcĩcāvare, nopedeca bŷojara mŷje bajure Jŷmenijicui yávaiyede javene mŷje majiéque. Yópe űnai churarai taoiyepes űni bajure jārjaricajes doicajeques, nopedeca taojarā mŷje bajure mŷje mearo đaiyeque. ¹⁵Yópe curaidoare űni doiyepes tutué nŷcŷyŷ, aru nurié cŷcŷyŷ máre, nopedeca tutué nŷjara mŷje űmei aru nurié coyŷjarā Jŷmenijicui yávaiye méne, cārĩjimenoque cŷre đaiyedes pōevares űique. ¹⁶Yópe űnai churara űni jēiyepes űni taovares ēomesŷyŷ űni mauvai táyŷoa uruiyoares, nopedeca cainŷmŷa jējara mŷja mŷje Cristore ju aiyedes, abujuvai jabocu āmecŷu baju űni āmedabequiyepes aivŷ mŷjares űni jujovaiyueques. ¹⁷Yópe űnai churara űni cŷvares moibo jārjaribores taocŷyŷ űni jipobŷre, nopedeca cŷvajarā mŷja Jŷmenijicui meadaiyedes űni jŷyŷe báquedes mŷjares bojecubedes, mŷje meatenajiyepes aivŷ mŷje dāpiaiyedes. Aru yópe űnai churara űni vainí tŷiyepes űni mavares jarŷvarĩ űni boicaroveques, nopedeca vainí tŷjarā mŷja ina mŷje űmene copŷ maucŷvarivŷre Jŷmenijicui yávaiyeques, űnai Espĩritu Santoi jŷyŷeques mŷjares.

¹⁸Cainŷmŷa dajocabejarā mŷje coyuiyedes Jŷmenijicupes. Caiyepes mŷjedes đaiyedes coyŷjarā ŷre űnai Espĩritu Santoi cadateiyeques. Torojŷedes jŷjarā ŷre űni mearo đacaiyepes bojes majares. Aru jēniajara Jŷmenijicupes caiyepes mŷjares jauédes. Ūetubevŷva me dāpiajarā mŷje coyuiyedes Jŷmenijicupes. Jēniare űnjara caivŷ Jŷmenijicui pōevares bojes dajocabevŷva. ¹⁹Aru mŷje coyuiyedes jēniajara Jŷmenijicupes yŷres máre. Jēniajara űni majides đaquiyepes aivŷ yŷres aipe yávaiyepes jauŷrōres yŷres pōevaque, ne jārjarĩ coreóvarājiyepes ayŷ Jŷmenijicui yávaiyepes méne ne jārjabe báquedes cārejas. Jēniajara ji buequiyepes aivŷ diedes jidŷbecŷva. ²⁰Ji coyuiyepes báques bojes iye yávaiyepes méne Cristoi borores, āmeina teivŷres jēni jacoiñami jŷvŷi cŷvŷ yŷ tāumeaque carides. Cristoi daroimŷmu yŷ, coyŷcacŷyŷ űni yávaiyepes méne ārői ji cŷrōi. Jēniajara Jŷmenijicupes, űni

yávayü büojare ðaquiyere aivü yüre,
ji coyüquiyere aivü diede jidübecüva
caivü ne járiaiyede yópe yüre jauére.

Pablo üi meaicõjeino Éfesocavüre
(Hch 20.4; Col 4.7-8; 2 Ti 4.12)

²¹ Caiye iye vaiyede yüre ñai
Tíquico coyücyüme mujare. Ürecabe
majecu, maje ümu, aru maje jabocu
Jesucristore memecayü yúque
ðajocabecüva. Múje coreóvarãjiyere
ayü ji borore, coyücyüme aipe
cücüre, ðayüre máre. ²² Darocýümu

úre yo paperayocaque múje yebai, üi
coyüquiyere ayü aipe vaiyede ñujare,
üi torojure ðaquiyere ayü mujare múje
ümei.

²³ Majepacu Jümenijicu, maje
jabocu Jesucristomaque, cure ðajacurí
caivü majevü Jesucristore jü aivüre
cãrijimevüva. Üre ðajacurí caivü
majare maje bajumia, maje jü aiye boje
úre. ²⁴ Mearo ðacajacurí caivü maja
ürivü maje jabocu Jesucristore maje
üe cüiméque, üi mearo ðacaiye boje
põevare bojecübeda. Quénoramu.